

Giusep Riedi-Regli, Sedrun, 1944-1997



Mesjamna, ils 17 da settember 1997. Giusep Riedi sesanfla sin ina spassegiada el territori dil Pass Alpu. Cheu, tut nunspitgadamein cloma il Segner. En consequenza d'ina disdida dil cor miera Giusep ella vegliadetgna da mo 53 onns.

Giusep Riedi ei naschius ella ucliva al pei dil Calmut a Tschamut ils 28 da schaner 1944. El ei staus il sulet affons dils geniturs Giusep Martin Riedi e Cristgina Deplazes. Suenter la scolas a Sutcrestas, Rueras e Camischolas fa el igl emprendissadi dad assisstennt da menaschi tier la Viafier Furca Alpu ad Andermatt.

Suenter igl emprendissadi resta el vinavon ad Andermatt e marida leu igl onn 1966 Hanny Regli. Treis affons, dus buobs ed ina buoba, ein il legherment dalla famiglia. Igl onn 1976 setilan els sul Cuolm d'Ursera e secasan a Sedrun/Gonda. Cheu s'engascha el sco caustaziun dalla Viafier Furca Alpu.

Ses hobbys ein stai il spassegiar cun la famiglia, il cantar el Chor mischedau da Sedrun, il computer ed il mirar e guder films documentars. A caschun da gest ina da sias preferidas occupaziun satiua la mort il Giusep. Ina largia, ina frida per ils ses da casa. In numerus pievel ha accumpignau ils 20 da settember il Giusep sin siu davos viadi. Cun grev cor han ils ses priu cumiau da lur car bab, amitgs ed enconuschents d'in preziau camerat e collega. La pasch al Giusep!